

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U VISOKOM  
Broj: 041-0-SU-20-000 577  
Visoko, 23.04.2020. godine**

Na osnovu člana 64. stav 1. tačka b), člana 70. stav 1., 3. i 6. i člana 89. Zakona o javnim nabavkama („Službeni glasnik Bosne i Hercegovine” broj 39/14) te preporuke Komisije za provođenje postupka javne nabavke utvrđene u Zapisniku o pregledu ponuda nakon održane e-aukcije broj 041-0-SU-20-000533 od 31.03.2020. godine, u postupku javne nabavke klima uređaja sa nosačima i instalacijom za potrebe Općinskog suda u Visokom za 2020. godinu, d o n o s i m

**ODLUKU  
o dodjeli ugovora trećerangiranom ponuđaču**

Stavlja se van snage Odluka o dodjeli ugovora drugorangiranom ponuđaču broj 041-0-SU-000570 od 13.04.2020. godine, u postupku javne nabavke klima uređaja sa nosačima i instalacijom za potrebe Općinskog suda u Visokom za 2020. godinu te se Ugovor o nabavci klima uređaja sa nosačima i instalacijom za potrebe Općinskog suda u Visokom za 2020. godinu, dodjeljuje trećerangiranom ponuđaču „**Klimatizacija-grijanje**“ d.o.o. **Zenica, Sarajevska 290**, za ponudenu cijenu 7.000,00KM bez PDV-a.

Ova odluka objavit će se na web stranici Općinskog suda u Visokom i dostaviti svim kvalifikovanim ponuđačima u postupku javne nabavke.

Prijedlog Ugovora o nabavci klima uređaja sa nosačima i instalacijom za potrebe Općinskog suda u Visokom za 2020. godinu, dostavit će se na potpis novoizabranom ponuđaču „**Klimatizacija-grijanje**“ d.o.o. **Zenica, Sarajevska 290**, po isteku roka od 15 dana računajući od dana od kada su svi kvalifikovani ponuđači obaviješteni o izboru trećerangirane ponude.

Trećerangirani ponuđač „**Klimatizacija-grijanje**“ d.o.o. **Zenica, Sarajevska 290** je dužan u roku od 7 (sedam) dana od dana zaprimanja ove odluke, dostaviti:

- originale ili ovjerene kopije dokaza o ispunjavanju uslova u skladu sa datom Izjavom iz člana 45. Zakona o javnim nabavkama:

- a) **uvjerenje izdato od strane Suda BiH i uvjerenje suda nadležnog prema sjedištu ponuđača (Općinski sud u Zenici) (kumulativno)** kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- b) uvjerenje nadležnog suda (Općinski sud u Zenici) ili organa uprave kod kojeg je registriran ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- c) uvjerenja nadležnih institucija kojim se potvrđuje da je kandidat/ponuđač izmirio dospjele obaveze, a koje se odnose na doprinose za penziono i invalidsko osiguranje i zdravstveno osiguranje;
- d) uvjerenja nadležnih institucija da je kandidat/ponuđač izmirio dospjele obaveze u vezi s plaćanjem direktnih i indirektnih poreza.

U skladu sa tačkom 3.1. tenderske dokumentacije „Dokazi koje dostavlja izabrani ponuđač ne smiju biti stariji od tri mjeseca, računajući od momenta dostave ponude. Uvjerenja koja je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.“ i

- novi Obrazac za cijenu ponude koji će da odražava smanjene cijene iz e-aukcije.

Ova odluka stupa na snagu danom donošenja.

## O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj 041-0-SU-20-000367 od 3.3.2020. godine., u kojoj je predviđeno da je procijenjena vrijednost javne nabavke klima uređaja sa nosačima i instalacijom za potrebe Općinskog suda u Visokom za 2020. godinu, bez PDV-a 8.547,00 KM.

Tenderska dokumentacija i Obavještenje o nabavci broj 4256-7-1-2-3-2/20 od dana 5.3.2020. godine, objavljeno je na Portalu javnih nabavki 05.03.2020. godine a Poziv za preuzimanje Tenderske dokumentacije putem konkurentskog zahtjeva upućen je ponuđačima: „Luk“ d.o.o. Pijačna 14c Sarajevo, „Inter-com“ d.o.o. Vrandučka 71b Zenica i „Imtec“ d.o.o Bosanski put bb, Ilijaš.

Postupak javne nabavke roba- Nabavka klima uređaja sa nosačima i instalacijom za potrebe Općinskog suda u Visokom za 2020. godinu, proveden je putem konkurentskog zahtjeva za dostavu ponuda broj 041-0-SU-20-000 371 od 05.03.2020. godine.

Komisija za javne nabavke Općinskog suda u Visokom, imenovana rješenjem predsjednika Općinskog suda u Visokom, broj 041-0-SU-20-000368 od 03.03.2020. godine, dostavila je dana 04.03.2020. godine predsjedniku Općinskog suda u Visokom, Zapisnik o pregledu i ocjeni ponuda broj 041-0-SU-20-000527 od 26.03.2020. godine, sačinjen prije održavanja e-aukcije i Zapisnik o pregledu i ocjeni ponuda broj 041-0-SU-20-000533 od 31.03.2020. godine sačinjen poslije održavanja e-aukcije sa preporukom o izboru najpovoljnijeg ponuđača za nabavku roba- klima uređaja sa nosačima i instalacijom za potrebe Općinskog suda u Visokom za 2020. godinu.

U postupku po dostavljanju Zapisnika o pregledu i ocjeni ponuda prije održavanja e-aukcije, konstatovano je da je Komisija za javne nabavke blagovremeno izvršila javno otvaranje ponuda i ocjenu prispjelih ponuda, te da je ukupno prispjelih pet ponuda i da su sve prispjele ponude blagovremene, od sljedećih ponuđača, prema redoslijedu zaprimanja:

1. „Klimatizacija-grijanje“ d.o.o. Zenica  
-ukupna cijena ponude bez PDV-a..... 8.377,78 KM
2. „INTER-COM“ d.o.o. Zenica  
-ukupna cijena ponude bez PDV-a..... 8.528,00 KM
3. „SES“ d.o.o. Sarajevo  
-ukupna cijena ponude bez PDV-a..... 8.530,00 KM
4. „HVAClab“ d.o.o. Vogošća  
-ukupna cijena ponude bez PDV-a..... 8.546,92KM
5. „Stanogradnja“ d.o.o. Sarajevo  
-ukupna cijena ponude bez PDV-a..... 8.502,00 KM

Zapisnik sa otvaranja ponuda, broj 041-0-SU-20-000520 od 26.03.2020. godine dostavljen je ponuđačima putem e-maila dana 26.03.2020. godine.

Komisija je nastavila sa radom radi formalno pravne i suštinske provjere prispjelih ponuda, te evaluacijom ponuda i analizom dostavljene dokumentacije utvrdila: da ponude ponuđača: „Klimatizacija-grijanje“ d.o.o. Zenica, „INTER-COM“ d.o.o. Zenica, „HVAClab“ d.o.o. Vogošća, „SES“ d.o.o. Sarajevo i „Stanogradnja“ d.o.o. Sarajevo ispunjavaju sve zahtjeve u pogledu opisa predmeta nabavke i tehničkih specifikacija, odnosno da su prihvatljive, u formalno pravnom smislu ispravne i potpune (dostavljena sva tražena dokumentacija) i računski tačne pa je Komisija predložila Ugovornom organu da zakaže e-aukciju sa kvalifikovanim ponuđačima u skladu sa Pravilnikom o uslovima i načinu korištenja E-aukcije (“Službeni glasnik Bosne i Hercegovine”, broj 66/16).

Nakon uspješno okončane e-aukcije, zakazane i održane dana 31.03.2020. godine u 10,00 sati Komisija za javne nabavke je ponovo zasjedala dana 31.03.2020 godine u 11,00 sati i razmatrala izvještaj o toku i završetku e-aukcije, održane dana 31.03.2020 godine s početkom u 10,00 sati.

Na osnovu izvještaja o toku i završetku e-aukcije Komisija je konstatovala da je e-aukcija trajala od 10,00 sati do 10:21 sati i konačna rang lista ponuđača koji su učestvovali u E-aukciji je slijedeća:

1. „HVAClab“ d.o.o. Vogošća  
-ukupna cijena ponude bez PDV-a..... 6.795,00 KM
2. „SES“ d.o.o. Sarajevo  
-ukupna cijena ponude bez PDV-a..... 6.805,00 KM
3. „Klimatizacija-grijanje“ d.o.o. Zenica  
-ukupna cijena ponude bez PDV-a..... 7.000,00 KM
4. „Stanogradnja“ d.o.o. Sarajevo  
-ukupna cijena ponude bez PDV-a..... 8.502,00 KM
5. „INTER-COM“ d.o.o. Zenica  
-ukupna cijena ponude bez PDV-a..... 8.528,00 KM

S obzirom da je najniža cijena kriterij za izbor najpovoljnije ponude i da je „HVAClab“ d.o.o. Vogošća, Braće Halać 4, Vogošća bio prvorangirani ponuđač nakon uspješno okončane e-aukcije, Komisija za javne nabavke je predložila Ugovornom organu da donese Odluku o izboru najpovoljnijeg ponuđača i zaključi Ugovor sukladno kojoj preporuci je i donesena Odluka o izboru najpovoljnijeg ponuđača broj 041-0-SU-000534 od 31.03.2020. godine, za ponuđača „HVAClab“ d.o.o. Vogošća, Braće Halać 4, Vogošća, sa cijenom od **6.795,00 KM bez PDV-a**.

Izabrani ponuđač je bio dužan da u roku od 7 (sedam) dana od dana zaprimanja odluke, dostavi originale ili ovjerene kopije dokaza o ispunjavanju uslova u skladu sa datom Izjavom iz člana 45. Zakona o javnim nabavkama i novi Obrazac za cijenu ponude koji će da odražava smanjene cijene iz e-aukcije.

Ponuđač „HVAClab“ d.o.o. Vogošća, Braće Halać 4 je blagovremeno dostavio dokumentaciju dana 09.04.2020. godine, uvidom u koju je utvrđeno da su dokazi:

- Uvjerenje Suda BiH, kojim se dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, broj 03-2600/20, izdato 07.04.2020. godine, nakon podnošenja ponude;
- Uvjerenje Općinskog suda u Sarajevu kojim se dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, broj 65 0 Kr 004277 20 izdato 09.04.2020. godine, nakon podnošenja ponude,
- Uvjerenje Općinskog suda u Sarajevu, kojim se dokazuje da ponuđač nije pod stečajem ili nije predmet stečajnog postupka, broj 065-0-R-20-000714 od 02.04.2020. godine, izdato 02.04.2020. godine, nakon podnošenja ponude.

S obzirom da su navedeni dokazi izdati nakon datuma podnošenja ponude, nisu ispunjeni uvjeti iz tačke 3.1. tenderske dokumentacije, kojom je utvrđeno: „Dokazi koje dostavlja izabrani ponuđač ne smiju biti stariji od tri mjeseca, računajući od momenta dostave ponude. Uvjerenja koja je dužan dostaviti izabrani ponuđač moraju sadržavati potvrdu da je u momentu predaje ponude ispunjavao uslove koji se traže tenderskom dokumentacijom. Naime, izabrani ponuđač mora ispunjavati sve uslove u momentu predaje ponude, u protivnom će se smatrati da je dao lažnu izjavu iz člana 45. Zakona.“

U vezi sa izloženim, Komisija za javnu nabavku je na osnovu člana 72. stav (3) tačka a) Zakona o javnim nabavkama Bosne i Hercegovine („Službeni glasnik Bosne i Hercegovine“, broj 39/14) dala preporuku predsjedniku suda da donese odluku o dodjeli ugovora drugorangiranom ponuđaču „SES“ d.o.o. Sarajevo, Trg ZAVNOBIH-a 25 te navedenom drugoplasiranom ponuđaču dostavi prijedlog ugovora o javnoj nabavci klima uređaja sa nosačima i instalacijom za potrebe Općinskog suda u Visokom za 2020. godinu.


U skladu sa Odlukom o dodjeli ugovora drugorangiranom ponuđaču, broj 041-0-SU-20-000570 od 13.04.2020. godine, Ugovor o nabavci klima uređaja sa nosačima i instalacijom za potrebe Općinskog suda u Visokom za 2020. godinu, dodjeljuje se drugorangiranom ponuđaču „SES“ d.o.o. Sarajevo, Trg ZAVNOBIH-a 25, za ponuđenu cijenu 6.805,00KM bez PDV-a a izabrani ponuđač je bio dužan da u roku od 7 (sedam) dana od dana zaprimanja odluke, dostavi originale ili ovjerene kopije dokaza o ispunjavanju uslova u skladu sa datom Izjavom iz člana 45. Zakona o javnim nabavkama i novi Obrazac za cijenu ponude koji će da odražava smanjene cijene iz e-aukcije.

Dana 22.04.2020. godine, ponuđač „SES“ d.o.o. Sarajevo, Trg ZAVNOBIH-a 25 dostavio je dokumentaciju uvidom u koju je utvrđeno da nije dostavljeno uvjerenje suda nadležnog prema sjedištu ponuđača (Općinski sud u Sarajevu) kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, kako je traženo tačkom 3.1. tenderske dokumentacije (u skladu sa stavom Agencije za javne nabavke da je ugovorni organ u tenderskoj dokumentaciji dužan da propiše obavezu za kandidate/ponuđače da, u smislu odredbi člana 45. stav (1) tačka a), u vezi sa stavom (2) tačka a) iste odredbe Zakona, dostave uvjerenje Suda BiH i suda prema sjedištu pravnog lica, odnosno kandidata/ponuđača.

Iz gore navedenih razloga, Komisija je nakon isteka roka za izjavljivanje žalbe na Odluku o dodjeli ugovora drugorangiranom ponuđaču, u skladu sa članom 72. stav (3) tačka a) Zakona o javnim nabavkama Bosne i Hercegovine, dala preporuku predsjedniku suda da se ugovor o javnoj nabavci dodijeli sljedećem ponuđaču sa konačne rang liste ponuđača koji su učestvovali na e-Aukciji.

Uzimajući u obzir naprijed navedeno, odlučeno je kao u dispozitivu ove Odluke.

**POUKA O PRAVNOM LIJEKU:** Protiv ove odluke može se izjaviti žalba Uredu za razmatranje žalbi Bosne i Hercegovine putem Ugovornog organa u roku od 5 (pet) dana od dana prijema ove odluke. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.



PREDSJEDNIK SUDA

Dr. Enes Behlulović

**Dostavljeno:**

1. Ponuđačima x5
2. Na web stranicu Suda,
2. Komisiji za javne nabavke x1
3. Odsjeku za opće i računovodstveno-materijalne poslove x1,
4. a/a.